



DAGITI REKOMENDASION PARA ITI COVID-19

DEPARTAMENTO TI SALUN-AT TI HAWAII

ANIA TI ARAMIDEN NU TI MAYS A TAO ITI PAGTRABAHOM KET ADDAAN ITI COVID-19

Nu adda naammoan nga addaan iti COVID-19 iti pagtartrabahoam, agimbestigar ti Departamento ti Salun-at ti Hawaii (HDOH) tapno maammoan nu dayta a tao ket napan nagtrabaho bayat ti panawen a makaakarda.

- Nu wen, kiddawen ti HDOH iti dayta a tao ken/wenno superbisor nga agaramid iti listaan dagiti asideg a nakapulapol iti pagtrabahoan bayat ti panawen a makaakar. (2 nga aldaw *sakbay* nga mangrugi iti sakit wenno, no awan iti simtomas, 2 nga aldaw sakbay nga makolekta iti test para iti COVID-19, agingga idi maudi nga aldaw nga nagtrabaho iti tao nga adda COVID-19 na).
- Nasken a pagtalinaeden ti superbisor a kumpidensial ti kinasiasino ti indibidual nga addaan iti COVID-19
- Dagiti asideg a nakapulapol iti pagtrabahoan ket maipatarus kas:
 - Nu nagan ka ti 6 nga kadapan ti maysa nga tao nga adda COVID-19 na ti uneg ti 24 nga oras ti pinagtapon nga kabayag n ket umabot ti 15 nga minuto wenno nabaybayag pay
 - Direkta a nasagid dagiti likido ti bagi ti tao nga addaan iti COVID-19 (kas pangarigan nauyekan)
- Awagan ti HDOH dagiti asideg a nakapulapol tapno bagaan ida maipapan iti pannakaituyangda. Dagiti asideg a nakapulapol ket:
 - Nasken nga agtalinaed iti pagtaengan ken wanawananda ti salun-atda iti las-ud ti 14 nga aldaw manipud iti naudi a pannakipulapolda iti tao nga addaan iti COVID-19
 - Nasken nga awaganda ti kadawyan a tagaipayda iti taripato ti salun-at nu maaddaanda kadagiti sintomas (kas pangarigan, gurigor, uyek, kurangen iti anges) ken bagaan ida a naituyangda iti tao nga addaan iti COVID-19
 - Nasken a sumungbatda a dagus nu umawag kadakuada dagiti empleado ti HDOH tapno wanawananda ida bayat ti pannakakuarentina, ken bagaan ti HDOH nu maaddaanda kadagiti sintomas

PANAGDALUS KEN PANAGDISIMPEKTA ITI PAGTRABAHOM KALPASAN A NAADDAAN ITI TAO NGA ADDAAN ITI COVID-19

Iti aniaman a pagtrabahoan a **SAAN NGA AGPADAGUS KADAGITI TATTAO ITI AGPATNAG:**

- Iserra dagiti lugar a naus-usar ti agsakit a tao iti napapaut a tiempo.
- Lukatan dagiti ruangan iti ruar ken dagiti tawa tapno mapasayaat ti sirkulasion ti angin kadagitoy a lugar.
- Aguray iti 24 nga oras sakbay nga agdalus ken agdisimpekta tapno mapababa ti potensial a pannakaituyang dagiti dadduma nga empleado manipud kadagiti parsiak ti respiratorio. Nu saan a mabalin ti panaguray iti 24 nga oras, urayen ti kapautan a mabalin.
- Suruten [Dagiti Rekomendasion ti CDC iti Panagdalus ken Panagdisimpekta: <https://www.cdc.gov/coronavirus/2019-ncov/community/organizations/cleaning-disinfection.html#Cleaning>](https://www.cdc.gov/coronavirus/2019-ncov/community/organizations/cleaning-disinfection.html#Cleaning)
- Nu napalabasen ti 7 nga aldaw wenno napapaut pay manipud idi inusar ti agsakit nga empleado ti pasilidad, saanen a kasapulan pay ti kanayonan a panagdalus ken panagdisimpekta.